


Animationi

Atuartitsinermit teknologiit – fagini
tamani



Stopmotion suua?

Stopmotionfilmi tassaavoq animationiliornermi teknikki tassaasoq assinik ataasiakkaartunik tulleriissitsilluni filmiliorneq. Suut pequtit ilutsillu filmiliarisat pinerit tamaasa allangortilaarneqartarput, nikisitsinerillu tamaasa assiliisoqartarluni. Assilisaakkat tulleriiaarlugit isiginnaagassiannngortinneqaraangata pequtit ilutsillu filmiliarineqartut aalasutut ilersarput oqaluttuaaqqamillu pilersitsisarlutik. Periuseq qangaanerusoq titartakkanik isiginnaagassiortarnermut assinguvoq, taamanikkummi allanguutit ersinngingajattut allaat assilinqartarput.



Stopmotion teknologiiuvoq atuartut atortussanik ataatsimoortitsillutik nutaaliorlutillu pilersitsiortornermik suliaqarnerannut naleqquttuullunilu ajornanngitsuusoq.

Sammisap suussusianik paasinnineq

Stopmotionsfilminik suliaqarnermi filmilioriaatsip tunngavii assigiinngitsut marluupput.

Flyttefilm (nikisitsisararluni assiliisaqattaarneq):

Tassaavoq assiliissutip saani filmiliornikkut assit digitaliusut atorlugit oqaluttuarneq. Taama suliaqarnermi atortut assigiinngitsut, soorlu pappit pappialallu, ujaqqat, LEGO-t, modellervoksi il.il. ilusilersorlugit tunuliaqataralugillu filmiliorortoqartarpoq. Teknikki taanna assersuutigalugu meeqqanut filmiliami Cirkelinemi atorneqarpoq.

Pixilationfilm (inummiq assiliisaqattaarneq):

Tassaavoq inuup timaanik uneqattaartitsilluni filmiliorneq. Inuttat inuiusut arriitsumik timiminnik aalatitsillutik filmiliaritittarput unikkaangamillu assilisittarlutik. Inuttaasoq inuusamut unitseqattaarneqartumut assersuunneqarsinnaavoq. Teknikki taanna inunnik filmiliarineqartunik aamma ilutsinik tunuliaqutaasunillu ataatsimoortitsineranut atorneqartarpoq.


Film X suua?

Film X animationiliuutaavoq atuartunit atortussanik ilutsinillu "uumassuseqalersitsinissamut" aammalu aalatitsinikkut, nipitigut assitigullu oqaluttualiornermut atugassaasoq. Animationiliuut iPadimut appitut aaneqarsinnaallunilu nittartakkamiippoq.



Pilersaarusionerq

- Oqaluttuaq. Atuartut fagimut tunngasumik suliaqarnermini aallussinerminnik attasseqqullugit suliasamat piareersarsimanissaat pingaaruteqarpoq.
Tamanna ilaatigut pilersinniakkap suliarinerata aallartinnginnerani oqaluttuamik titartaganngortitsilluni storyboardiliornikkut (titartakkat atorlugit najoqqutassialiornikkut) pisinnaavoq.
- Inuttat. Kikkut oqaluttuami ilaassappat? Qanoq isikkoqassappat? Susinnaassappat (suna sapinngilaat)? Atortussanik ilanngussisoqassanersoq nalilersussavarsi.
- Tunuliaqut. Assit, atuakkat assiliartallit, titartakkat il.il.
- Nipi. Nipit (lydeffektit), nipilersukkat imaluunniit nipit piviusut soorlu nipit oqaloqatigiittuneersut avatangiisineersulluunniit ilanngunneqassanersut nalilersorsiuk. App internetiluunniit atorlugu suliaqarneq nipinik suliaqarnerup qanoq ajornartigineranut apeqqutaasarpoq.




Assit amerlassusiat

Sekundimi ataatsimi assit 12-it tungaannut amerlassusillit takutinneqarsinnaasarmata amerlasuunik assiliisaqattaarnissaq pingaaruteqarpoq. Taamaattumik animationiliornermi ikinnerpaamik 100-nik assiliisimanissaq pitsaanerpaassaaq.

Suliasat tulleriarnerat

- "Lav ny film" toorlugu filmiliorluni suliasamik nutaamik **pilersitsigit**
 - aallartinnginninni "tips og tricks" takoqqaarsinnaavat.
- Assiliissutip assilisinnaasaata vinkilia tunuliaqummullu ungasissusia misilerakkit
- **Assiliigit** – assit tulleriarlugit takutinneqarneranni sukkassusiat misiliguk
- Nipimik **immiussigit**
- Programmi nittartakkamiittoq atorlugu filmi killorsinnaavat
- Saqqummiuguk



App atorlugu nipimik immiussigit

Appimi ataasiinnarmik immiussisoqarsinnaavoq taassumalu saniatigut nipilersukkanik imaluunniit nipinik avatangiisineersunik immikkut ilanngussisoqarsinnaalluni. Assiliisoqarlunili filmip sukkassusianik aaqiisoqareerpat aatsaat nipinik immiussisoqassaaq.

Skærmimi mikrofonip ilisarnaataa toorlugu immiussisoqartarpoq. Assit filminngortitat ingerlatillugit nipimik immiussisoqartarpoq. Iluaqutaassaarlu nipimik immiussinissaq sioqqullugu atuartut arlaleriarlutik immiussassaminnik sungiusareersimappata. Nuutip ilisarnaatinngua toorlugu nipinik avatangiisineersunik imaluunniit nipilersukkanik filmimut ilanngussinissaq periarfissaavoq. Filmip ingerlanerani nipi taanna imminik ingerlajumaarpoq. Programmi nittartakkamiittoq imaluunniit programmi filmilianik passussissut alla atorlugu filmiliarisarsi nangillugu suliaqartoqarsinnaavoq.

Nipi internetikkut immiussiuk

Interneti atorlugu passussinermi nipit ilanngunneqarsinnaasut amerlassusiat killeqanngilaq. Atuartut nipit immiunneqareersut imaluunniit namminneq immiuteriikkatik filmiliaminnut tulluartut ilanngussinnaavaat. Film X animationimi qarasaasiamiittumi bibliotekeqarpoq nipinik assigiinngitsunik aallerfiusinnaasumik.

Inuttaasut aalaneri

Assiliinissaq sioqqullugu inuttaasut qanoq nikitsigisarnissaat/nikitsiginissaat atuartut misilerarpassuk pitsaanerpaassaaq. Piviusummi filmikkut takuneqartutulli tamatigut inneq ajorput. Filmip assitai imminnut ataqatigiilluartutut issappata sekundimut ataatsimut assit 12-it missaanniittut pisariaqartinneqarput, taakkunanilu assini tamani inuttaasut ilutsillu suunngitsuinnannguamik nikisisinneqarsimasassapput. Filmip qanoq sukkatigisumik ingerlanissaa appimi aaqinneqarsinnaavoq, taamaalillutik assit sekundimut ataatsip 12-illu akornanni amerlassuseqarsinnaapput.

Pixilationfilmimik suliaqarnermi atuartut filmimi namminneq inuttaassappata holdimi ataatsimit atuartut arfinillit arfineq-pingasullu akornanni amerlassuseqarsinnaapput. Flyttefilmimik suliaqarnermi holdimi ataatsimit atuartut pingasut-sisamanit amerlanerussanngillat.

Isumassarsiat fagimut tunngasut

Stopmotionsfilmiliornerup atuartsinermut atassusernissaanut takorluuisinnaaneq killiliisuunerpaavoq.

Atuakkialerinermi sammisanut, oqariartuutitut aammalu filmi atuakkanilu pisunut aalajangersimasunut nassuiaanissamut stopmotionsfilmiliorneq naleqquttuavoq. avatangiisinik inuttaasunillu eqqartuinissamut assitalersuillunilu eqikkaanissamut teknikki taanna nutaanik periarfissaqalersitsivoq.

Oqaatsinik atuartsinermi assersuutigalugu oqaatsinik nalunngisanik sungiusarnissamut nutaanik periarfissaqalersitsivoq. Atuartummi tassani oqaatsitik avatangiisinut pisunulluunniit aalajangersimasunut atassuserlugit atorsinnaavaat.

Matematikkimi pinngortitalerinermilu atuortoq oqaatsinik fagimut tunngasunik, soorlu fotosyntesimik, nassuiaanissaminut imaluunniit formelit (kisitsinermi najoqqutassat) assigiinngitsut qanoq atorneqartarnerannik takutitsinissaanut stopmotionip atornissaa naleqquttuavoq.